



Broj: 5/7-50-13-986-5/14
Sarajevo, 27.2.2014.

Z A P I S N I K

5. sjednice Vijeća nacionalnih manjina BiH, održane 27.2.2014.

Sjednica je počela u 12,00 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Jakob Finci, Nedžad Jusić, Jovanka Manzalović-Šalaka, Halil Bicaj, Eva Pašić-Juhas, Hakan Varan, Vjeročka Gajić, Todorcka Jovanović, Velibor Kuvač, Dejan Piotrovski, Mladen Radmilović, Dragan Marković, Silvija Vujović i Tijana Vučurević.

Sjednici, iz opravdanih razloga, nisu prisustvovali: Andrija Svatok i Marija Grbić.

Sjednici su, također, prisustvovali: Jovica Katić, Sektor za odnose s javnošću Sekretarijata PSBiH, Adriana Domazet, novinska agencija Fena, Emina Jahić, sekretar Zajedničke komisije za ljudska prava, prava djeteta, mlade, imigraciju, izbjeglice, azil i etiku, Branislava Vignjević, stručna savjetnica, i Anđelka Dobrilović-Rajak, stručna saradnica u Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku.

Članovi Vijeća nacionalnih manjina BiH **jednoglasno su** usvojili sljedeći

D N E V N I R E D

1. Usvajanje zapisnika s 4. sjednice Vijeća nacionalnih manjina BiH;
2. Izbor drugog zamjenika predsjedavajućeg Vijeća nacionalnih manjina BiH;
3. Izvještaj o radu Vijeća nacionalnih manjina BiH za 2013. godinu;
4. Metodologija za izradu izvještaja o ocjeni položaja nacionalnih manjina u BiH;

5. Analiza raspodjele sredstava za projekte u oblasti kulture u 2013. godini;
6. Razno: informacija o Prijedlogu izmjene i dopune Odluke o osnivanju Vijeća nacionalnih manjina BiH i Prijedlogu izmjene Odluke o imenovanju članova Vijeća nacionalnih manjina.

Ad.1. Usvajanje s Zapisnika 4. sjednice Vijeća nacionalnih manjina BiH;

Vijeće nacionalnih manjina BiH je sa četrnaest glasova „za“ i jednim „suzdržanim“ usvojilo Zapisnik 4. sjednice.

Ad.2. Izbor drugog zamjenika predsjedavajućeg Vijeća nacionalnih manjina BiH;

Predsjedavajući Vijeća nacionalnih manjina BiH, Tihomir Knežiček, obrazložio je da prema Odluci o imenovanju članova Vijeća nacionalnih manjina ("Službeni glasnik BiH", br. 60/13) predstavnici crnogorske nacionalne manjine dijele mandat i da je 31.1.2014. godine okončan mandat gospođe Nade Putice, koja je obnašala funkciju druge zamjenice predsjedavajućeg Vijeća nacionalnih manjina BiH. S tim u vezi, predložio je, da članovi Vijeća nacionalnih manjina BiH na današnjoj sjednici izvrše izbor drugog zamjenika predsjedavajućeg Vijeća nacionalnih manjina BiH.

Nakon toga predsjedavajući Vijeća nacionalnih manjina, otvorio je raspravu o ovoj tački dnevnog reda. U raspravi su sudjelovali: Tihomir Knežiček, Todorka Jovanović, Dejan Piotrovski, Jovanka Manžalović Šalaka, Eva Pašić Juhas, Hakan Varan, Vjeročka Gajić, Silvija Vujović, Dragan Marković i Nedžad Jusić.

Vijeće nacionalnih manjina BiH je, za drugu zamjenicu predsjedavajućeg Vijeća nacionalnih manjina BiH, izabralo Tijanu Vučurević, predstavnicu rusinske nacionalne manjine.

Ad.3. Izvještaj o radu Vijeća nacionalnih manjina BiH za 2013. godinu

Predsjedavajući Vijeća nacionalnih manjina BiH, Tihomir Knežiček otvorio je raspravu o ovoj tački dnevnog reda. U raspravi su sudjelovali: Tihomir Knežiček, Dragan Marković, Jakob Finci i Nedžad Jusić.

Vijeće nacionalnih manjina BiH je sa četrnaest glasova „za“ i jednim „suzdržanim“ usvojilo Izvještaj o radu Vijeća nacionalnih manjina BiH za 2013. godinu.

Ad.4. Metodologija za izradu izvještaja o ocjeni položaja nacionalnih manjina u BiH

Predsjedavajući Vijeća nacionalnih manjina BiH, Tihomir Knežiček otvorio je raspravu o ovoj tački dnevnog reda. U raspravi su sudjelovali: Tihomir Knežiček, Dragan Marković, Nedžad Jusić, Tijana Vučurević, Halil Bicaj, Silvija Vujović, Jovanka Manžalović Šalaka, Velibor Kuvač, Emina Jahić, sekretar Zajedničke komisije, Hakan Varan, Mladen Radmilović, Eva Pašić Juhas i Dejan Piotrovski.

Vijeće nacionalnih manjina BiH **jednoglasno** je usvojilo prijedlog metodologije za izradu Izvještaja o ocjeni položaja nacionalnih manjina u BiH, kao i prijedlog da svi članovi Vijeća nacionalnih manjina BiH, u roku od 8 mjeseci dostave Izvještaje za nacionalnu manjinu kojoj pripadaju, nakon čega će u periodu od 2. do 3. mjeseca biti izrađen finalni Izvještaja o ocjeni položaja nacionalnih manjina u BiH.

Takođe je usvojen prijedlog da na svim narednim sjednicama Vijeća nacionalnih manjina BiH, jedna od tačaka dnevnog reda bude i praćenje dinamike izrade navedenog Izvještaja.

Ad.5. Analiza raspodjele sredstava za projekte u oblasti kulture u 2013. godini

Predsjedavajući Vijeća nacionalnih manjina BiH, Tihomir Knežiček otvorio je raspravu o ovoj tački dnevnog reda. U raspravi su sudjelovali: Tihomir Knežiček, Jakob Finci, Eva Pašić Juas, Jovanka Manžalović Šalaka, Nedžad Jusić, Todorka Jovanović, Dragan Marković, Velibor Kuvač, Emina Jahić, sekretar Zajedničke komisije i Dejan Piotrovski.

Vijeće nacionalnih manjina BiH, **prihvatilo** je prijedlog da predsjedavajući Vijeća i njegovi zamjenici, obave sastanak sa Ministarstvom civilnih poslova BiH i Ministarstvom za ljudska prava i izbjeglice BiH a vezano za informisanje o načinu konkurisanja i dodjeli grantovnih finansijskih sredstava udruženjima nacionalnih manjina u BiH.

Ad.6. Razno:

Informacija o Prijedlogu izmjene i dopune Odluke o osnivanju Vijeća nacionalnih manjina BiH i Prijedlogu izmjene Odluke o imenovanju članova Vijeća nacionalnih manjina

Predsjedavajući Vijeća nacionalnih manjina BiH, Tihomir Knežiček otvorio je raspravu o ovoj tački dnevnog reda. U raspravi su sudjelovali: Tihomir Knežiček, Emina Jahić, sekretar Zajedničke komisije, Velibor Kuvač, Hakan Varan, Nedžad Jusić, Jovanka Manžalović Šalaka, Todorka Jovanović, Jakob Finci, Eva Pašić Juhas, Dragan Marković, Dejan Piotrovski, Halil Bicaj i Tijana Vučurević.

Vijeće nacionalnih manjina, **primilo je k znanju** informaciju da su Prijedlog izmjene i dopune Odluke o osnivanju Vijeća nacionalnih manjina BiH, kao i Prijedlog izmjene Odluke o imenovanju članova Vijeća nacionalnih manjina, upućeni Zajedničkoj komisiji za ljudska prava, prava djeteta, mlade, imigraciju, izbjeglice, azil i etiku PSBiH na razmatranje.

U okviru navedene tačke dnevnog reda Vijeće nacionalnih manjina BiH, usvojilo je **sljedeće zaključke:**

Vijeće nacionalnih manjina BiH, će u narednom periodu održati sastanak sa predsjedavajućima Vijeća nacionalnih manjina na entitetskim i kantonalnim nivoima kako bi se identifikovali problemi i moguća rješenja vezana za rad navedenih tijela.

Vijeće nacionalnih manjina BiH, usvojilo je zaključak kojim se od Zajedničke službe Parlamentarne skupštine BiH, traži da razmotri mogućnost izdavanja elektronskih kartica za nesmetan ulazak članova Vijeća nacionalnih manjina BiH u zgradu Parlamentarne skupštine.

Vijeće nacionalnih manjina BiH, usvojilo je zaključak kojim se daje puna podrška Ministarstvu za ljudska prava i izbjeglice BiH, vezano za predsjedavanje Dekadom Roma za 2014/2015 godinu i s tim u vezi predlaže da Nedžad Jusića predstavnik romske nacionalne manjine u Vijeću, bude uključen u aktivnosti vezane za predsjedavanje Dekadom.

Sjednica Vijeća nacionalnih manjina BiH završena je u 15,00 sati.

Sastavni dio ovog zapisnika je tonski snimak 5. sjednice Vijeća nacionalnih manjina BiH.

Predsjedavajući Vijeća nacionalnih manjina BiH

Prof. dr. Tihomir Knežiček